

Plaaswerk help stoeier sukses behaal

Wilhelm de Swardt

Baie mense is lief daarvoor om die woorde “dolle gejaag” te gebruik om die verloop van hul dag te beskryf en seker met reg.

As daar iemand is wat regtig die betekenis van “dolle gejaag” verstaan, is dit die 17-jarige Edrich Nortjé, ’n gr.11-leerling aan die Hoërskool Oos-Moot.

Hy begin sy dag deur te oefen, dan jaag hy huis toe om vir homself onbity te maak. Daarna is dit skool toe. Die middag oefen hy weer. In die aand as hy by die huis kom, berei hy aandete en doen huiswerk. Dinge raak nie regtig oor naweke makliker nie.

Nortjé beskou homself as ’n nie te slegte pizza-sjef nie. Die geheim van ’n goeie pizza kom volgens hom neer op goeie tydsberekening.

Die Tuks-stoeier kla nie oor sy alleenstryd nie, want hy is besig om sy droom uit te leef. Dit is om ’n kampioenstoeier te word. As daar na vanjaar se uitslae gekyk word, is hy beslis besig om iets reg te doen.

Hy is pas aangewys as die Tuks-stoeiër van die Stoeier van die Jaar en met goeie reg. Op die Kadet-wêreldbyeenkoms in Griekeland het hy negende in sy gewigsafdeling geëindig.

Nortjé het op die Kadet-Afrika-byeenkoms in Marokko ’n goue medalje verower en is die



'n Plasseun in murg en been... Edrich Nortjé het die siek kalfie op sy skouers gedra toe hy maar net 15 jaar oud was.

Suid-Afrikaanse kadetvrystyl- sowel as Grieks-Romeinse kampioen. Boonop is hy ook die Suid-Afrikaanse o.20-vrystyl-kampioen.

Sy groot droom is om Suid-Afrika op die 2020-Olimpiese Spele in Tokio te verteenwoordig. Nortjé besef terdeë dit is ’n



Van verantwoordelikheid en selfdissipline kan mens vir Edrich Nortjé niks leer nie. Dié gr. 11-leerling aan die Hoërskool Oos-Moot bly alleen in ’n woonstel in Pretoria om sy stoedrome na te jaag. Foto: REG CALDECOTT



Edrich meen dis al die harde plaaswerk wat hom so sterk maak. Hier dra hy ’n skaap op sy familieplaas in Dundee, KwaZulu-Natal.

groot uitdaging, want hy sal dan maar 20 jaar oud wees. Die kans is goed dat hy veel ouer en sterker stoeiers op die mat sal moet pen en uittoerl om dit reg te kry.

“My eintlik doelwit is die 2024-Spele maar ek kan waardevolle ervaring opdoen as ek vir

die 2020-Spele kwalifiseer.”

Nortjé het as sesjarige kanneling die eerste keer in Dundee, KwaZulu-Natal, begin stoei. Kort voor lank is besef dat die “manneling” talentvol is. Dit was sy pa wat voorgestel het dat hy Pretoria toe gaan sodat hy nuwe “tricks” kan leer. Daarom bly

hy nou op sy eie in ’n woonstel.

Volgens Nortjé bevoordeel die feit dat hy op ’n plaas grootgeword het hom beslis.

“Omdat plaaswerk so fisies van aard is, het dit my gehelp om vroeg al nogal sterk te raak.”

Daar word baie stories vertel van die ouer legendariese stoeiers wat ’n kalf op hul skouers kon tel en daarmee rondloop. Nortjé kan saampraat. As 15-jarige het hy ’n siek week oue kalf opgetel en gedra. Sy pa het foto’s daarvan geneem.

“Agterna was daar stories dat een van die redes waarom ek so sterk as stoeier is, is omdat ek op die plaas met kalwers oefen.”

Nortjé gaan in Februarie aan die Afrika-stoeiëbyeenkoms in Nigerië deelneem. Daarna is sy plan om meer op sy studies te fokus sodat hy matriek agter die rug kan kry.”